

INUIT ATAQATIGIIT

Inatsisartuni



UKA17/65
11. oktober 2017
Hans Aronsen

Kommunit inatsimmi peqqussutaasut naapertorlugit pisortat ikiorsiissutinik tunniussinermiinnut atatillugu qanoq annertutigisumik ikiorsiissutit aningaasannagornagit tunniussisarnersut misissoqullugu Naalackersuisut peqquneqarnissaannik Inatsisartut aalajangiiffigisassaattut siunnersuut. Misissuinermut atatillugu aamma innersuussutinik saqqummiusseqqunneqarput inatsisitigut qanoq pitsaanerpaamik kusanarnerpaamillu qularnaarneqarsinnaanersoq, atisassat aamma allat meeqqat pisariaqartitaat eqqarsaatigalugit angajoqqaat kiisalu allat meeqqanut angerlarsimasunut isumassuisut qulakkeerisalernissaat siunertaralugu.

(Inatsisartunut ilaasortaq Nivi Olsen, Demokraatit)

Kalaallit ikioqatigiittut:

Nunarsuami nuannaarutissaanerpaamik inuit pisinnaatitaaffeqarpugut inuiassuarnut tamanut atuuttunik, inuillu kikkulluunniit inuttut naleqarnerannik nunarsuarmioqatigiittut kusanarnerpaamik suleqatigiissutaallutillu illersuisunik. Inuk kinaluunniit innarluuteqaruni, suliffissaaleqiguni, pisortaaguni, inulerisoq ilinniarsimasuuguni, ilinniartitsisuugaluaruniluunniit kinaassutsiminik illersorneqaatigisaminik pisinnaatinneqarportaag.

Tamanna nunatsinni inatsisartunit tamanit illersorneqarli, illersorneqarli inuiannugit 55.000-sugut isumaginninnikkut ikiortariaqarnitsinni inuttut naleqassuserput pingaartillugu. Illersortigu inuttut peqqissutut ingerlariaqqinnissatsinnut tapersersoqatigiittarnerput ataqpeqatigiinnerpullu.

Inuk kinaluunniit atonerluisuugaluaruni pisoorsuugaluaruniluunniit Ikiortariaqalerfiatigut inuttut naleqassutikkullu ingerlariaqqinnissaanut illersorneqarluni pisortanit sullittuarneqartariaqarmat.

Illersortigit peqatigitigillu inoqatinnguagut inuttut sanngiiffeqartut sanngiiffeqalersimasullu, atorfissaqartikkatsigit pisariaqartikkatsigit nunaqqatigigatsigillu.

Nikanartunngorsaaneq aqutissaanngilaq, iliuseqarsinnaanngitsutullu naliligaaneq peqqinnanngitsuummat.

Qulequttamut toqqaannartumik akissutit:

Ikiorsiisarnermi isumassuinermilu inatsisitsinni arlalinni immikkut ikiortariaqalersimasunik sukumiisumik sullissinernik periarfissiisalernikuuvugut, kommuninilu isumaginninnikkut sullissinerni sulisunut najugaq qimannagu ilinniartitseqqinnernik Naalackersuisut ingerlataqaruttulerput. Siunertaralugu sulisut sulinerminni sinaakkutaasunut ineriartoqataallutik paasinnilluarsimallutillu sullissisinnaalernissaat anguniarlugu

Aammattaaq pisortanit ikiorsiisarnermi inatsimmi § 17, imm. 2-mi pisortat ikiorsiissutaat immikkut nalilersuereernermi tunniunneqarsinnaasunngorlugit periarfissiissutiginiuuagut. Ullumikkut kommunini inunnut qanimut sullissisut, ataatsimiittartoqatigiit, ataatsimiititaliallu atorluagaannik. Tassaasunillu inuit naleqassutsikkut innarlinngikkaluarlugit inuusaatikkullu aalloriaqqissinnaasunngorlugit periarfissinneqarfigisaannik. Taamatut oqaaseqarluta Inuit Ataqtigiinniik siunnersuut ilalernartinnginnatigu suliareqqitassaannngitsutut itigartipparput.